

宛陵先生集

開化圖書館
Kaohua library

開化圖書館

Kaishua library

開化圖書館

Kaishua library

開化圖書館

Kaishua library

宛陵先生集目錄卷第四十六

和許待制春雪

送廣西潘提刑

大明寺平山堂

和王平甫見寄

和丁元珍見寄

王學士寄車螯

席上賦紅梅

平山堂雜言

自感

和河上寫望

和試筆偶書

和民朝謁建隆寺

和許待制宴賓

和許待制偶書

閨思

代寄王學士

和許待制病起偶書 依韻和新栽竹

和戲題 和春日偶書

和禁煙近事之什 和春日見示

和偶書相留 讀邵不疑卷

送寧鄉令張沆 和許待制送行

和不疑見答 贈張伯益

和不疑烹茶觀畫 和不疑冷淘會

獨酌偶作 答杜挺之遺鯁魚乾

目錄終

宛陵先生集卷第四十六

宋宛陵梅堯臣聖俞著

依韻和許待制春雪

密雪犯陽和寒階覆短莎
條牙摧不展鳥舌噤
應多變令已爲失易消
如未苛桃花禹門水早
晚見通波

送廣西提刑潘比部

伯恭

白麻新拜大丞相黃紙首除南省郎
欲使平刑安遠俗莫辭乘傳歷炎荒
桂林地險通椎髻陽

木言
卷四
二頁二
朔峰竒削劍鏃自有王門舊勲業且須稀作上
書囊

大明寺平山堂

陸羽烹茶處爲堂備宴娛岡形來自蜀山色去
連吳毫髮開明鏡陰晴改畫圖翰林能憶否此
景大梁無

依韻和王平甫見寄

尊王興霸國古莫重齊桓仲尼書大法亦莫重
更端文章革浮澆近世無如韓徒筆走霹靂龍

蚺奮潛蟠颺風何端倪鼓蕩巨浸瀾明珠及百
怪容畜知曠寬其後漸衰微餘襲猶未彈我朝
三四公合力興憤歎幸時構明堂願爲櫨與樂
期琢宗廟器願備次玉玕謝公唱西都予預歐
尹觀乃復元和盛一變誰爲難行將三十載衣
被劇織紈後生喜成功往往舞朱干君家兄弟
賢挺拔尤堅完譬彼登泰山孰辨雲徑盤忽在
高高巔兩腋猶抑翰我久知子名曾未接子驩
前者和君詩薄言慙兒肝淮南喜子來袖刺字

未漫明日聞渡江留書特相安今又獲嘉辭至
味非鹹酸

依韻和丁元珍見寄

我從江南來挂席江上正輕舟自行速不與風
力競乃省少時學強勉無佳興初如弄機杼未
解布絲經利器昧其持或反授人柄及親賢豪
游所尚志已定不厭朝市喧不須山林靜不爲
煦煦妍不爲嚴嚴冰遇物理自暢區處劇操令
仍類楚野筠忽從孤根迸便成翠琅玕又與風

霜硬雖然達吾真誰復究畢竟世間忘坦途盡
欲求密徑晒我是■踈宜乎今蹭蹬蹭蹬誠可
嗟所偶亦已併晚逢二三友喜飲恨多病道路
何遭迴季秋越春孟平生景慕者邂逅出天幸
接迹猶謂榮况此聲顏並實慙寡時用又顧無
竒行愛之不忍去自旦還至暝在昔濁世賢徒
知清酒聖但用醉爲娛一老少不更稍思桃源
人翩爾乘漁艇尋花逐水往豈念衰與乘歌謳
非俗情山響自答應以此謝君勤微言期略聽

來來不足爲試共幽人評

秦州王學士寄車螯蛤蜊

車螯與月蛤寄自海陵郡謂我抱餘醒江都多
美醞老來飲不滿一醉已關分甘鮮雖所嗜易
飫亦莫問嬌女巧收殼燕脂合眉暈貧奩無金
玉狼藉生恚忿妻孥喜食之婢妾困埽拚行當
至京華耳目飽塵坌此味爽口難書爲馱者訓

張聖民席上賦紅梅

吾家有嘉樹紅蕊開朝霧笑杏少清香鄙梅多

俗趣江都別乘居似見句溪圃坐中勿苦疑結
子看春暮

平山堂雜言

蕪城之北大明寺闢堂高爽趣廣而意厖歐陽
公經始曰平山山之迤邐蒼翠隔大江天清日
明了了見峰嶺已勝謝朓齷齪遠視於一窻亦
笑煬帝造樓摘星放螢火錦帆落檣旗建杠我
今乃來偶同二三友得句欲霜鍾撞却思公之
文字世莫雙舉酒一使長咽慢肌高揭鼓笛腔

萬古有作心胸降

自感

左目忽昏花愁心亂劇麻文書都莫見藥物近
憑他眸子終何似形軀且願嘉唯期一開泰再
望日中鴉

我不嫌髭白白髭何自落雖然失醜衰將恐日
踈薄有生無不老歲事看秋籜一身憂已大毫
髮誰能度

二月二十八日

依韻和孫都官河上寫望

河上風煙愛此邦
吳艘越舸不相降
魚鯉直聳聳
橋邊市花暗
深深竹裏窓
蹴踘漸知寒
食近鞦韆
將立小鬟雙
年光取次須
偷賞何用
功名節
與幢

依韻和試筆偶書

洗硯開書几
拈毫喜子巢
不爲微物撓
自向小欄敲
已逐游絲末
還緣翠葉稍
因知生理大
不必在重交

和張民朝謁建隆寺二次用寫望試筆

韻

荒臺殘壘舊名邦
曾說王師此受降
西漢衣冠拜原廟
五天龍象護經牕
蜀岡井味人猶品
隋帝宮基闕尚雙
自古興亡不須問
風鈴閑聽響幡幢

躍馬侵星去啼鴉未出巢
春裘風易裂從騎鎧相敲
紅日雙行柳黃金一抹梢
乾坤功力大默誦易中爻

依韻和許待制後園宴賓

春來無處不幽芳誰復樽前歎異鄉繞榻綺羅
觀舊艷傍池桃杏照新粧柳條拂拂牽絲嫩藥
粉輕輕落酒香聞道主公偏愛客翻思當日醉

莎場

宛丘城頭有莎場臨
淄公每飲於其間

依韻和許待制偶書

曉雨射船珠瀉盤平明水上舞英殘鬪雞蹠惡
輕泥濕調馬蹄翻軟土乾深屋鷺巢將欲補密
房蠶蟻尚憂寒爲言楚客甘蔬藪白芷香牙長

嫩珊

閨思

望日赤如橘游梁音信稀
愁心常似醉春絮等閑飛
江鱖看將爛芹牙吐尚微
何時憑鷺子寄取錦書歸

代書寄王道粹學士

已具扁舟訪使君
忽逢春雨起淮濱
花寒蛺蝶猶相守
水冷鴛鴦不暫分
况約他時來寄蹟
何須今日去論文
解裝無復山陰興
且對荆釵與布裙

依韻和許待制病起偶書

桐柳陰陰翠色參幔房深邃靜於巖疾疑不是
因蚰影方秘曾傳白玉函煉蜜有時蜂競至墜
羶無數蟻來啣女奚困觸屏風響林鳥饑尋蠹
木鴿趨吏喜聞開便閤舞姬排北翦春衫嘉賓
入幙金樽抹賀客衝風席帽攙談出古人非騁
辨詩陳王化不言讒提綱勿用銖銖較列局緣
從物物監龍腦篆香盤屈曲虎頭彫枕剔空嵌
年踰五十惟耽易能格神明莫若誠

依韻和新栽竹

斲破煙叢帶筍移映軒臨檻特爲宜龍孫已見
多竒節鳳實新生入翠枝不向阮家林下集還
思渭北水邊窺一花一草公休詠慣作蘭臺侍
從詩

依韻和戲題

揚州太守重交情我欲西歸未得行寒食尚賒
花水近妻孥煎去到天明

依韻和春日偶書

甕面春醅壓嫩藍盤中鷺肉亦肥甘正宜醉夢
輕爲蝶苦怕酬詩密似蠶病起羊公方隱几歸
來陶令只乘籃河堤古木欣欣暗野水新秧拍
拍滄已向官資隨分足莫將忠憤等閒談况於
世上諸般狀不作人間一例貪陋巷自知當退
縮擁門誰解更趨叅高低趣向難爲合冷暖情
懷固飽諳勉意妻兒猶苟祿強顏冠冕未抽簪
唯公恩遇留連久頻對樽壘也負慙

依韻和禁煙近事之什

狂風暴雨已頻過近水棠梨着未多窈窕踏歌
相把袂輕浮賭勝各飛壻閒牽白日游絲颺細
驀黃金舞帶拖小苑芳菲花鬪藥華堂嘲哢燕
爭窠西州駿馬頭如剝南國佳人頸似瑳結客
追隨傾畫榼分朋游樂藉青莎鞦韆競打遺鈿
翠芍藥將開翦纈羅我病乞求新火炙無心更
聽竹枝歌

依韻和春日見示

春雨懶從年少狂一生憔悴爲詩忙不能屑屑

隨時輩亦耻區區憶故鄉
白玉笛聲親府席
六么花拍動衣香
龍咽嘹唳留行月
鳳翼趨踰巧定場
粉色酒容歡四座
花光燭影照西墻
虛榮浪貴知多少
安得如君展肺腸

依韻和偶書相留

在昔有言無不讎
故於嘉詠豈宜休
出奇吳國將能戰
探隱漢宮人戲鬪
吹笛夢來猶記曲
愛歌老去未忘謳
車中變服爲秦客
頭上南冠學楚囚
日永歡呼遺搏齒
夜深談論廢更籌
海陵

木言
卷四
九
二百七十二
已有從游約今欲西歸且榜舟

讀邵不疑學士詩卷杜挺之忽來因出
示之且伏高致輒書一時之語以奉呈
作詩無古今唯造平淡難譬身有兩目瞭然瞻
視端邵南有遺風源流應未殫所得六十章小
大珠落槃光彩若明月射我枕席寒含香視草
郎下馬一借觀既觀坐長歎復想李杜韓願執
戈與戟生死事將壇

送寧鄉令張沆

長沙過洞庭水洎風搖石青山接夷蠻白晝鳴
鴉鷄竹存帝女啼夔學林雍鑿不嫌卑濕往教
令民須聽

依許待制送行詩韻詠鷺以寄

江鷺啣泥日深堂拂玉琴不教關閣戶乃見主
人心掠水飛殊捷迎風去已禁短書猶可記聊
影託微吟

依韻和酬邵不疑見答

君才若巨賈既富仍深藏遂兼碌碌貧共處安

可量滔滔大澤陂，渺漫入幽荒。徒欲窮端倪，憑
高何相望。一日以文繡，被此糞土墻。門徒三千
人，起予唯卜商。薄言昧纖悉，懷憂思萱忘。美璞
委彫琢，以未知我詳。但念故時朋，所樂來遠方。
慎勿以名使，取敗非相當。

贈張伯益

張伯益風義自足，常遊遨。醉彈琵琶，聲嘈嘈。雷
車急，輓蛟龍，號曲終。放撥解紫絛，勇氣索筆作
小篆。李斯復出秦碑，高不數宣王石鼓。文快健

欲敵橫磨刀奕棋絲桐且置之衆善多取精神
勞

依韻和邵不疑以雨止烹茶觀畫聽琴
之會

彈琴閱古畫煮茗仍有期一夕風雨來目喜農
畝滋中河不阻澀舟楫亦所宜况聞新疾愈當
與嗜好睽何須顧小約豈不有他時淡泊全精
神老氏吾將師幸因答來章敢不以此咨此咨
有深理願君勤且思

依韻和不疑寄杜挺之以病雨止冷淘

會

邵杜二良守相逢欲霑醉促膝一開顏
衮衮言有味或嘆季路宜成語伯夷是各懷
忠義心要終豈同異我實踐賤軀政治未使
試預茲高古談懦志生勇氣明當饌湯餅疾
雨晦天地一日不見君何止如三歲口腹尚
乖期榮華可推類嗟嗟勿復問安恬固無媿

獨酌偶作

東路歸梁懶黃流下汴深眼穿南去翼耳冷北
來音風雨昏斜日乾坤入醉吟不憂貧且老自
有伯鸞心

答杜挺之遺鰲魚乾

百年蠹柳根半浮揭屋顛風吹欲倒寸步泥深
登岸難鯁乾助飲隣船老

林語

卷四

三

宛陵先生集卷第四十六

開化圖書館
Marhua Library

宛陵先生集目錄卷第四十七

觀邵不疑名畫

懷杜挺之

絕句五首

李轉運示卷

觀書

書二客

留別李學士

過山陽智洪房

淮陰侯

淮上遇風

宿洪澤

泗州郡圃四照堂

泗守矧北園

和淮上相遇

泗州觀唐氏書

得千葉樓子芍藥

併得酪及櫻桃

阻淺挺之平甫來飲

和表臣奎野亭

和表臣先春亭

和河南庾署西軒

和表臣見贈

和表臣聞諸友飲

表臣惠蜀箋硯池

和阻水見勉

聞宣叔挺之圍碁

五倩篇

釋悶

釋滯

和憶竹園山寺

和晨起見贈

李秘丞遺川牋粉紙

錢推官遺紗帽

和表臣惠醞

閱表臣盡而飲

寄送許待制知越

王司封感懷

赴表臣會呈挺之

醉中和王平甫

將解舟呈表臣

答再和

非意篇呈表臣

和錢推官見寄

答宣叔行舟相隔

力漕篇呈王發運

唐店寄錢推官

徒步訪李宣叔

答高判官

宛陵先生集卷第四十七

宋宛陵梅堯臣聖俞著

觀邵不疑學士所藏名書古畫

野性好書畫無力能自致每遇高超人常許出
以視邵侯多竒玩留我特開筇首觀阮與杜驢
上瞑目醉阮籍韓幹貌四馬臨流解鞍轡花驄
照夜白正側各畜意繫衣穿袴靴坐立皆厩吏
精神宛如生于腮復穿鼻梅雞徐熙花竹間寒
雀睡逸少自寫真對鏡絕相類數本失姓名古

胡并老驥山水樹石硬荆關藝能至荆皓關種巨然

李成者落筆愈竒異人物張僧繇雖傳恐非是

其餘又莫究模搭似未備周秦已來書行草楷

篆隸聲名舊烜赫一一果可喜邵侯愛我曹咸

使紙尾記况侯有古學小字刻珉翠各贈墨本

歸懷寶誰肯忌

先至山陽懷杜挺之

與君同川途舟發偶後先順風吹我帆已過飛

鳥前寄聲託飛鳥微意或可傳定逢檣上鳥暫

向彼留連薄暮楚城下
踟躕問來船

絕句五首

風過已午未肯正
酒病嬰我心無慘
船頭拍翅野鴨浴
水上擺子鯨魚跳

岸邊稚子戲把釣
蚯蚓作餌青條長
上去下來船不定
自飛自語燕爭忙

夜欲三更饑鼠鬪
燈殘一點小星紅
村邊坎坎賽神鼓
船底抨抨駕浪風

葑田青灰博奕局
島樹墨楹煙雨圖
已去揚州

百餘里迴頭還隔幾重湖

蝦蟇豪沫爲科斗螺羸銜蟲化細腰蠹穴荒陂
有多少乾風濕雨各飛跳

淮南轉運李學士君錫示卷

李氏世能詩落落爲時豪漢陵唐太白始競二
雅高益端正封賀才各傾吳濤于今幾代孫手
持切玉刀功利旣及民又將薄風騷示我照乘
珠光彩生褐袍曾非貧家有懷歸徒增勞神物
必難秘恐隨風雨逃

觀王氏書

先觀雍姬舞六么妍葩發艷春風搖舞罷英英
書大字玉指握管濃雲飄風馳雨驟起變怪文
絳晝飛明珠跳席客聚立驚且歎筆何勁健人
柔天昔時裴旻能劔舞丹青助氣精神超藝雖
不同意有會世事相假非一朝

書二客論呈李君錫學士

我慕杜挺之磊落高世談又愛王平甫才雄天
馬騫二人相議評最重李淮南踈跽文館彥委

曲部政諳能蘇煮海民變使供租甘雖持使者

權不作自累蠶諄諄無威傲雍雍激廉貪書戒

易滿人縱愚須起慙始時邊海鹽亭民常官逋其錢往往給腐米為直奔

之而去浸久亭民無本多逃者今俾中戶就邑納租給亭民民乃大利逃者復還

留別李君錫學士

淮南尚喜風流在客有殷勤載酒過不醉不歸

情可見相看相笑意如何瞭眸自解持高論長

頸稀逢缺善歌舊愛陽關亦休唱西還從此故

人多

閒

過山陽水陸院智洪上人房

有蘇子美墨蹟

十載七來此每嗟多異今池灰休辨劫川月解
明心遺墨悲蘇倩高情想遁林能閒常似舊翹
立水邊禽

淮陰侯

功旣高天下身何不自防已能成漢業無復假
齊王復耻噲爲伍安知呂所忘空名流未竭淮
水共湯湯

閏三月八日淮上遇風杜挺之先至洪

和言
卷四
澤遣人來迎

曉出淮口時夜來風已止
半路逢怒濤客心愁
欲死忠信雖可仗魚鼈
將異此但慕前行舟漸
入孤汊裏猶能有餘力
遣助良可喜

宿洪澤

舟子起添纜夜潮同
雨來寒聲相亂急
遠夢自然迴水鳥鳴
還睡風燈暗復開
宦游常作客未
息爲貧催

泗州郡圃四照堂

官艦客編滿淮汴車馳馬驟無閒時豈有餘力
事棟宇後園荒草長離離朱侯下車百職舉亦
治宴豆頻遊嬉梁冠爵弁各得禮道路溢譽亡
高卑因隙作堂名四照虛光轉納娥與羲面面
懸牕夾花藥春英秋藥冬竹枝射堦寬濶習武
事鏡沼清淺吹文漪侯之此意寧自樂夷情勞
士俱忘疲後來出口勤灑掃莫作廐埒生蒿藜

泗守朱表臣都官劄北園

樹藝北壕上直對高城陰使君朱輪來歌管樽

相言
卷四十七
三百七十七
酒深風雷生淮南雲物冒楚岑戰舸習追逐飛
凌捷水禽不獨耳目觀乃見預禦心事閑賓從
樂景美臺榭臨令人忘羈旅灑慮起微吟

依韻和誠之淮上相遇

一別逋翁久不逢亦知諸葛卧龍中幾年三致
千金富今日重追二謝風形槁已能同散木鬢
霜從聽着寒蓬飛光入酒舊時月來炤狂歌猶
未窮

泗州觀唐氏書

唐氏能書十載聞誰教精絕向紅裙百金買書
蒲葵扇不必更求王右軍

同朱表臣及諸君游樊氏園

五年前上去乃從許公過舊物此君在後生新
筍多朱櫻繁且熟黃鳥啄仍歌一一如當日乘
高柰興何

七里灣得朱表臣寄千葉樓子髻子芍
藥

誰稱爲近侍宜與牡丹尊霞綵千千葉香撩黯

木言
卷四
六
三首
黠覓紅樓思俠少寶髻奉王孫賸插不堪照顏
衰汴水渾

併日得朱表臣酪及櫻桃

昨日酪將熟今朝櫻可餐紫蕪休定價黃鳥未
新殘甘滑已相美齒牙仍尚完應知消客熱遠
贈盃盈盤

阻淺挺之平甫來飲

泛淮忌水大我行浩以漫泝汴忌水淺我行幾
以乾偶與困滯并將獨爲此難窮堤有來客芬

芳可與言共休綠榆陰置酒聊慰安主人雖倉
卒猶得具甘酸酸漬楚梅青甘摘夏櫻丹引觴
吞日光耳熱不復歎俛仰已陳迹未可忘茲歡
誰思費生術幻惑寧盤桓

依韻和表臣奎野亭

淮光抱城去山翠落樽前魯叟欲浮海楚人休
問天野雲將拂幔水鳥不驚船歷覽誰能賦今
聞太守賢

依韻和表臣先春亭

雜花紅間白遠樹短叅長天近春歸疾城高地
易涼千尋浮遠水五兩動連檣置酒未終樂山
煙生暝隍

和表臣河南庾署西軒

飛鳥欲下蟾生時斜光冷魄常相隨右山左水
清洗目虛簷曲檻生揚眉白魚甘肥網可得公
酒美滑盃可持臨淮使君有閑佚長橋直度來
莫遲

依韻和表臣見贈

中間會與別不啻二十年向來君之官我必贈
以篇今過臨淮郡惠好情聯聯訪我車騎都宴
我鶯花然此當舟航衝旅泊逾百千迓高而撫
下酒壺櫃食連使予一日爲立可見華顛遽行
恐勞君數里不得前三月汴水淺蹇滯無我先
君乃遺我詩盛稱我爲賢比之少陵豪望我何
太全又令入時用目堪事高眠安能事孔聖終
學美周宜勤答以明懷矢辭敢欺天

依韻和表臣聞與挺之宣叔平甫飲

舟淺不能進反羨車馬馳同行各在野有酒相
 與期堤上聞禽處桑間落日時使君羊笋贈更
 飲更追隨表臣是日送蒸羊笋束

表臣惠蜀笈借玉硯池

蜀笈琅玕硯池為贈知雅故慙無右軍書亦乏左
 思賦環水象辟雍紋花如織素願傳君德政况
 已聞行路

表臣以阻水見勉次其韻

野叟津難問賢人酒不空行吟同去國退翼欲

乘風憂已先天下窮方坐井中予生一如此安
得免衰翁

聞宣叔挺之圍碁

人以碁銷日我觀碁輒寐未必盡死生何茲較
愚智只將多勝少復取生爲利不若酒之賢悠
然共醒醉

五倩篇

奏方響
琵琶

倩然五蛾眉妙曲動金絃犀椎玉鈴鈴龍撥雷
鞀鞀響急能愈靜意閑情常專主人昔結客一

醉百金捐觀濤來吳都遇我泗水邊夜飲向明月非同聞隣船

釋悶吳挺之

燕丹未歸馬未角卞子抱玉無兩脚孤城食盡兵未却度笮中懷挂一索我輩於此酒宜酌百歲千秋柰何樂

釋滯

帝在蒼梧妃泣竹蘇武餐毛海西曲窮山遠道車折軸深井渴汲綆不續我輩於此酒正綠貴

無奈何歡且足

依韻和表臣憶遊竹園山寺

山攜謝公妓竹似阮家林
花發日初暖鳥啼春欲深
朱櫻連葉摘綠酒帶醅斟
猶想聞歌吹僧房未暇吟

依韻和挺之晨起見寄

時阻汴淺

淺水不堪泛暗灘時激聲
晨都望迢遞窮旅思屏營
芳草同誰藉投壺自喚名
得君晨起詠遠

遠見交情

李宣叔秘丞遺川牋及粉紙二軸

蜀人擣玉屑楚客調金粉製牋君有贈草疏我
無蘊宜書楊雄辭莫寫屈原憤誰識此意微曾
非事搖吻

錢志道推官遺紗帽

遠贈烏紗帽能無白也詩山花不更插野客莫
驚窺

次韻和表臣惠符離去歲重醞酒時與
杜挺之李宣叔王平甫飲於阻水仍有

筓醬之遺

贈以榴花酒沉清貴隔年不憂航滯積爲汎盞
如船加品盈盤內無花到眼前還招李杜醉野
釀莫稱賢

表臣齋中閱畫而飲

嘗觀韓幹馬人物亦如生君收四病骨無肉只
崢嶸二匹痒磨樹二匹縱其情意思若不任千
里未可行古絹蠹已盡彩色無精明歎惜傳至
此幾人金帛輕隋時有名筆獨寫嚴君平猶持

杖頭錢罷肆心莫營魁然中貴人坐榻不知名
畫中有畫屏山石侔天成今時長沙叟獼猴獮
林橫疏毛與設色前代何角爭餘存品雖高我
未易敢評主人愈好事緘筭酒壺傾

寄送許待制知越州

喜公新拜會稽章五月平湖鏡水光
菡萏花迎金板舫葡萄酒瀉玉壺漿
雲歸秦望山頭靜雨洗若耶溪上涼
天子不能煩侍從可將吟詠報時康

用

依韻和王司封離白沙途中感懷

淮南夜飛氛，稜銷星纏歷歷轉。隨杓黃童謾對日，如月賈誼休悲鵬。似鴉市骨已知求駿馬，韜車何用載田驕。不惟忠憤心如此，王佐才高賦小鷓。

將赴表臣會呈杜挺之

莫怪去遲遲，予心君亦知。膝前嬌小女，眼底寧馨兒。學語渠渠問，牽裳步步隨。出門雖不遠，情愛未能移。

醉中和王平甫 用其韻

玉瓜未赤方牽蔓
李子纔青已近樽
我最年高
雜年少風流
還有杜陵孫

將解舟走筆呈表臣

昨夜謳吟瀉春酒
今朝波浪下黃河
主人不暇
忽忽別爲倩
流鶯寄語過

答再和

舟行纔及二三里
已復淺流如凍河
君有短書
誰遠寄時因燕子
拂檣過

非意篇呈表臣

人言厨傳繁乃是郡文例一日苟不脩未免衆
吠睨飽尚謗所興饑必愠不細損之禮漸墮存
之禮未替心莫忽賤微義莫徇貴勢我將取是
然敢以爲君計

依韻和錢深推官見寄

無才不敢學陽秋嗜酒時能問大酋前日偶從
河上飲文章何可並英遊

依韻答宣叔行舟相隔見寄

汴漲濺濺費挽牽輕舟難若上青天只知乘駛
及先去不意遲留落郟邊

力漕篇呈發運王司封寶臣

兵外肢強兵內體壯歛之盡歸歲以多餉東南
軸艫銜尾而上浮江浮淮泝汴之湍汴湍不常
水衡不官惟虞溢毀靡虞舟檠舟檠糧覆糧孰
爲足大計之數萬百惟六帛幣錯貨三倍其穀
曰主厥漕王之蓋臣日憂河涸運智煩神以舫
實土約流束津百步之間若牙與齧朝漲夕降

滯舸次鱗亟乞于朝朝不卽報下上經營風弁
日曝其躬其勤秉心有操士豈無祿視此則冒
彼以榮佚此以劬耗願答其劬錫命錫誥

四月十三日唐店寄錢推官

昨夜月如水君能攜酒來破除愁悶去洗蕩肺
腸開露氣林間落河聲地底迴相知不須早語
合自無猜

徒步訪李宣叔宣叔有詩依韻答

渡河誰道去我重子雲才鴻鴈汀洲去牛羊井

木言
卷四
二百十六
落徠乍行初覺倦暫語不能該日色看看暮將
歸意復徊

答高判官知唐君夜飲

露宿勤王客相從月下來黃流何日漲綠酒暫
時開風定燈花爛天高斗柄迴醉言多脫略吾
黨不須猜

宛陵先生集卷第四十七

宛陵先生集目錄卷第四十八

和劉原甫見贈

聞禽

表臣至十三里店

泊徐城寄二友

至第四舖二首

倡姬歎

過青陽使風

挑燈杖

蠅

蟬

鶯

雞

鶴

蛙

鳩

蚊

鹿

犬

豕

蛟

兔

魚

龜

蝦

至靈壁得挺之書

暮春白杏花

午日三首

晚得菖蒲

祭猫

和酬太師相公

答贈圓覺早梅

雍丘遇雨

廟子灣下作

留侯廟下作

高車再過謝永叔

李審言諸公招會

送周都官湖倅

和答吳太祝

寄吳冲卿見寄

目錄終

宛陵先生集卷第四十八

宋宛陵梅堯臣聖俞著

依韻和劉原甫舍人赴揚州途次贈予

翩翩河中船

我船緩而西君船迅而東緩迅各所尚不意中路逢驥馬方騰雲野鶴還就籠亦言出處異同是天地中我豈不知命人空嗟其窮何當遂逸性川上作釣翁

聞禽

禽鳴脫破袴定無新易故此語莫相譏善貧知
有素

表臣都官至十三里店

風雨催車騎駸駸來自南道傍有茅屋寧容使
君驂不謂忽下馬濕衣逢我談田家已刈楚田
婦正好蠶旣將國漕急復與民事諳他年此茅
屋便比棠樹甘

泊徐城寄杜挺之王平甫

十里五里一值淺千愁萬愁過徐城王君論與

河流阻杜老談思月色清岸若屹墻空自面樹
如張蓋欲誰傾二人黨及親朝夕更晚更遲何
計程

至第四舖二首

第四舖前風雨急搭河過盡不憂灘却愁蓬溺
空征橐始信人間行路難

輕舟已過第四舖憶著陽關末尾聲怊惆杜公
行底急白醪何處得同傾

倡姬歎

木言
卷四十八
二五七
萬錢買爾身千錢買爾笑老笑空媚人笑死人
不要

過青陽驛使風

天應憐逆旅乞與順風初不假卒添力任從帆
自踈燕攬舟尾健鷁漱水花餘會與王都近何
須問疾徐

蠅

乘炎出何許人意以微看怒劍休追逐疑屏漫
指彈與蚊更晝夜共蜜上盃盤自有堅冰在能

令畏不難

蟬

柳上一聲蟬沙頭千里船行經朝雨後思亂暑
風前物趣時時改人情忽忽遷感新猶感舊更
復幾多年

鶯

綠柳陰猶薄黃鸝轉已清年年舟上客處處樹
頭聲髣髴佳人語依稀太子笙夕陽聽不足飛
入舊荒城

雞

昂然大雄雞高冠紫沉羽星占太史局樹棲丞相府知時不失晦得食曾呼伍幸無終夜鳴湏防人起舞

鶴

何時別遼海俛啄雜庭鷗去作僊人駕來乘衛國軒雲中晴引唳松上舊能言俱說長千歲予非學美門

挑燈杖

油燈方照夜此物用能行焦首終無悔橫身為
發明盡心常欲曉委地始知輕若比飄飄梗何
邀世上名

蛙

陂蛙怒目生科斗亦縱橫自得君王揖能為鼓
吹聲越人嘗入饌秦客不須驚誰解綠明月徒
誇兩股輕

鳩

一世為巢拙長年與鵲爭欲知雲脚雨先向屋

頭鳴頸上玉花碎臆前檀粉輕何時將刻杖扶
助老夫行

宿雨
蚊

向晚化污積羣飛來戶庭螭螟許巢睫琥珀爲
留形夜色徧容蔽雷音亦感聽猶矜負山力血
食也霑醒

鹿

羣處空山中跡在深松下周穆得同狼秦人指
爲馬驚顧遠世網脫質去田野誰思克服脩自

是無全者

犬

常隨輕騎獵不獨朱門守鷹前任指蹤雪下還
狂走人思上蔡遲書寄華亭後莫將呼作龍梁
肉纔經口

豕

司原豢俗豨日見容陰昵喜比爲白麟惟憂不
豐溢烈飈澤雨作真聲向人出司原悔何由肝
膽空駭慄

蛟

橋邊三尺劍江上六鈞弧漢武帝何處周將軍
已無織綃深有室泣淚自爲珠誰爲九淵害人
猶能爾圖

兔

迷蹤在塵土衣褐戀蓬蒿有狡誰窮穴中書惜
拔毫獵從原上脫靈向月邊逃死作功勳戒良
弓合自發

魚

洛水美頰鯉入河西去時三春登玉浪一日到
天池垂釣豈容羨小鱗應莫隨腹中無七首已
不助吳兒

龜

王府有寶龜名存骨未朽初爲清江使因落豫
且手白玉刻佩章黃金鑄印紐辭聘彼莊生曳
塗誠自有

蝦

自生江海涯小大形拳曲宮簾織以鬚水母憑

爲目貴將蔽其私賤用資不足於物豈無助况
能參鼎肉

至靈壁鎮於許供奉處得杜挺之書及

詩

去冬過尋歷陽守江沙半遮當利口口頭沙蹙
浪如山浦溆排舟魚貫柳却畏浪高難苦留聞
解符來時不欠平明挂席入揚州主人釀成百
斛酒酒上玉蛆如笑花一日倒空罌與缶主人
亦欲君舊友請我遲君同此首清明君果渡江

至與君繼舳曾無負過淮風緊到洪澤使人助
我如臂肘暮春泝泝流澀自假輕航去如走
千憂萬阻經靈壁留書津吏情何厚副之佳句
二十言文昌光芒夜侵斗平時相恤以此稀緩
急求之更難有風牽月挽望符離水館野亭能
駐不葛巾輕服約登步葱肫冷淘誇甚滌書中
不說王平甫應又先行君在後我今趁君君趁
王趁入大梁湏執手

求城杜寺丞大年暮春白杏花

孤素發殘枝非關比衆遲殷勤勝菖葉重疊爲
農時

午日三首

有酒不病飲况無菖蒲根空懷楚風俗角黍弔
沉寃

佳人五色縷道士絳囊符瘦臂不中繫百邪何
用驅

百草堪爲藥舟行不及收岸傍蕭與艾從聽到
寒休

晚得菖蒲

薄暮得菖蒲猶勝竟日無我焉能免俗三揖向樽壺

祭猫

自有五白猫鼠不侵我書今朝五白死祭與飯與魚送之于中河况爾非爾踈昔爾齧一鼠銜鳴遶庭除欲使衆鼠驚意將清我廬一從登舟來舟中同屋居糗糧雖甚薄免食漏竊餘此實爾有勤有勤勝雞猪世人重驅駕謂不如馬驢

已矣莫復論爲爾聊欷歔

依韻和酬太師杜相公衍

相國推心本至平欲揚蕭艾作蘭馨孤根易變
終微賤美澤難霑漫晦冥楚客嘗聞紉若若王
孫誰復顧青青東風已與生成足不敢希冀在
帝庭

依韻答僧圓覺早梅

江南自寒苦花不與時同清向三冬足香傳一
國中雲湖藏舊市雪樹認新豐未有虧冰素隨

粧入漢宮

雍丘遇雨

日暮風雨急逆水舟難牽波波入杞國悄悄誰
憂天闐闐陂中雷幕幕隄外煙驟然沃大熱蒸
飮如炊煎飲水徒脹滿渴喉殊未蠲搖篷已煩
倦汗額常不乾如何一席地長少皆在前衣巾
不敢去又以禮數纏安得化嚴石兩脛沒流泉
每暑起此念念之凡幾年終當逐逸志奚必事
華顛

廟子灣下作

廟子灣下百尺船杞人楚人相雜牽水底老蜃
倚以怪樹頭挂紙吹作錢江蛟海鷗千萬里軒
風簸日蠻島邊長安舊去天尺五此在大梁眉
睫前高冠長劍乃不畏沙雨夜起噴腥涎

留侯廟下作

貌如女子心如鐵五世相韓韓已滅家童三百
不足使蒼海君初去相結秦皇東從博浪過力
士袖椎同決烈曉入沙中風正昏誤擊副車搜

迹絕亡命下邳圯上游老父墮履意未別顧謂
孺子下取之心始不平終折節舒足旣受笑且
去行及里所還可說可教後當五日來三返其
期付書閱他日則爲王者師果輔高皇號奇傑
留國存祠汴水傍逢逢簫鼓賽肥羊赤松不見
天地長黃石共葬丘冢荒

高車再過謝朓叔內翰

世人重貴不重舊重舊今見歐陽公昨朝喜我
都門入高車臨岸進船蓬俯躬拜我禮愈下驪

徒竊語音微通我公聲名壓朝右何厚於此瘦
老翁笑言啞啞似平昔妻子信說如梁鴻自茲
連雨泥沒脛未得謁帝明光官冒陰履濕就稅
地親賓未過知巷窮復聞傳呼公文又至黃金絡
馬聲瓏瓏紫袍寶帶照屋室飲水啜茗當清風
邀以新詩出古律霜髯屢領搖寒松因嗟近代
貴莫比官爲司空仍侍中今成冢丘已寂寞文
字豈得留無窮以此易彼可勿媿浮榮有若送
雨虹湏臾斷滅不復見唯有明月常當空况我

學不爲買祿直欲到死攀軻雄一飯足以飽我
腹一衣足以飾我躬老雖得職不足顯願與公
去驪樂同驪樂同治園田潁水東

李審言相招與刁景純周仲章裴如晦
馮當世沈文通謝師厚師直開寶塔院

自君命我飲朝暮雨傾瓦城東與城北大道泥
沒馬敢忘主人勤顛撲困馭者衆客亦如期陳
肴藉蘭若憑裴與沈謝辯論過終賈刁周事老
成危坐言語寡酒半時謔劇揣狀類模寫或譏

項髮禿或指舌端
僂或將冠帶身勸作梁武捨
謂我大耳兒此實已見假又効井市態屈強體
非雅順風手沙沙逆風口哆哆竟席屢絕倒去
忌肝膽瀉規規豈無儕達識高天下

送周仲章都官通判湖州

溪水日雪雪弁峰日峩峩中有水晶宮此名其
謂何湖水傳玉娘揚光遡常娥昔人美清夜高
樓發微歌風流百年餘所歷才彥多我嘗居其
下醉舞或傴僂君行貳郡事結騎黃金珂容儀

苦白晳度橋鳴橐駝士女夾道看秋風吹縠羅
言是公侯家大體儂弗過問儂底未辨撐船入
芰荷應莫勸蠶織生計非杼梭

依韻答吳安勗太祝

我於文字無一精少學五言希李陵當時巨公
特推詩便將格力追西京卞和無足定抱寶乘
驥走行天下老玉已累人馬不逢皇皇何之饑
欲倒還思二十居洛陽公侯接跡論文章文章
自此日怪竒每出一篇爭誦之其鋒雖銳我敢

犯新語能如夏侯湛于今窮困人已衰不見懸
金規呂覽乃遭吾子求琢磋珠璣獲斗柰我何
吳冲卿學士以王平甫言淮甸會予予
久未至冲卿與平甫作詩見寄答之

老馬力盡道路長豈若壯驥思騰驤項窮臨流
歎不逝燕骨埋沒庸可傷我今六十趨南北饑
腸不足面鰲黑少年心志一點無千里區區安
所得往居閭門乏經過閉戶讀書多廢食便從
冠帶向仕途強顏希祿非貪職昨逢王倩昧平

生一見如舊心相傾談經樹下任日炙酒狂便
欲騎長鯨誰意同行有遲疾先入大梁凡幾日
大梁故人憐鈍衰迭爲寄唱辭嚴密卒章言買
羊與酒雖齒動搖能飲溢亦知紅頰教新成更
願舊朋邀六七

化圖書館
Harvard Library

宛陵先生集卷第四十八

宛陵先生集目錄卷第四十九

寄題絳守園池

陸子履見過

重送周都官

送李殿丞推務

和吳學士石屏

末叔贈絹

奉和末叔感興

奉和末叔社日

社日飲末叔家

觀長星

送李學士知邛州

弔仲源

送梁學士知襄州

送薛氏婦歸絳州

送劉秀才歸當塗

送裴如晦宰吳江

送袁寺丞撫倅

送石舍人使匈奴

和中道觀駕

蘇度支挽詞

重送袁世弼

留題景德寺講僧

閣門水

朝堂宿齋

送杜郎中知虔州

送吳辯叔知鞏縣

當世家觀畫

送玉汝還南京

目錄終

宛陵先生集卷第四十九

宋宛陵梅堯臣聖俞著

寄題絳守園池

老栢麝不食古色侵青冥淺沼龍不入秋水生
浮萍屋屢圯堊幾太守壁上彪蔚遺丹青黑石
鑄辭澀如棘今昔往來人不識酸睛欲抉無聲
形旣不可問不可聽懸泉瀉竇晝未停飛玉貯
藍光入屏苞潭梁島甲癸丁蔓刺交綴垂組紵
蒼官羸槐朋在庭風蟲日鳥聲嚶嚶卉葩木菓

粘枝條集臺脫熱昏痾醒 文韓詩怪若是徑
取一二傳優伶仍寄河東薛太守更與斟酌無
閒肩

陸子履見過

劉郎謫去十年歸長樂鐘聲下太微屈指故人
無曩日平明騎馬扣吾扉論情論舊彈冠少多
病多愁飲酒稀猶喜醉翁時一見攀炎附熱莫
相譏

重送周都官

水上朱樓畫角鳴濛濛雨裏榜舟輕未逢甫里
先生謁多見吳興太守迎荷葉半黃蓮子老霜
苞微綠橘林明十年不到風煙改君去將詩與
畫評

送李載之殿丞赴海州推務

瓜蔓水生風雨多吳船發棹唱吳歌槎從秋漢
下應快人憶故園歸柰何世事靜思同轉轂物
華催老劇飛梭茶官到有清閒味海月團團入
酒羸

和吳冲卿學士石屏

吳夫子佩銀龜乘天馬素怪竒忽得號畧一片
石其中白色圓如規又有樹與烏畫手雖妙何
能爲吳乃持問歐陽公比公曩獲尤可疑疑不
爲辨賦以詩詩辭粲粲明星垂復遣賈來使我
和坐上鉅公傍睨之范侯寔有楊雄學咸云此
理難究推我歸滌慮反覆思義雖不經聊解頤
月與太陽合朔時陽鳥飛上桂樹枝枝上作窠
生羣兒人不知天公天公欲俾世間見影着石

面如粘繭鳥既不得去月亦不可移留爲千古

作好玩慎勿傾樸同玉碑

時在唐書局與歐陽
未叔王原叔范景仁

會食得
所示詩

未叔贈絹二十匹

鳳凰拔羽覆鶉鷄幸脫僵蒿蓬昔公處貧
我同困我無金玉可助公今公既貴我尚窘公
有縑帛周我窮古來朋儕義亦少子貢不顧顏
淵空復聞韓孟最相善身什道路哀妻僮生前
曾未獲一飽徒說吟響如秋蟲自驚此贈已過

有言
卷四十一
三百八十二
足外可畢嫁內禦冬况無杜甫海圖圻天吳且
免在褐躬瘦兒兩脛不赤凍病婦十指休補縫
厨中餽婢喜有望服鮮弃垢必所蒙梁上君子
切莫下吾非陳寔何爾容

依韻奉和未叔感興五首

泉上有君子齋祠達主誠向來霖雨暴觸處蛟
鼉鳴旣祈致日出杲杲紆民情天子遣以報固
匪媚取名因成感興章庶用語平生蹈道久已
熟情田不須耕

既負天下望必憂天下責每聞諫諍辭苦意多
矯激心存義勇赤氣與虹霓白所論言必從豈
若水投石陰邪日已銷事理頗已得莫將經濟
術抑鬱向胷臆

勿驚年齒遲勿歎時節晚寒松翳林麓射干生
隴坂野蓬隨飄飄秋實綴纂纂萬物更盛衰有
益必有損損益皆自然曷增鳧脰短人爲智慮
役白髮安得免利澤欲及時唯恐不行遠後世
豈皆愚計校徒勉勉

日出各馳趨皆爲利所迫秋蟲至微物役役網
自織古來高世人林下遺憂責扛鼎絕臏者乃
自恃以力積金苟如山何異魚貪食

唧唧復唧唧長沙何太息秋風入破衣瘦婦思
補刺手中把長線無帛縫不得夜夜憂向寒斗
柄漸垂北嫁夫欲夫富歡樂要終極歡樂旣未
能髣髴霜花易

依韻奉和求叔社日

玉卵不吞龍嗜肉燕子成兒去華屋老櫪半黃

田鼓鳴樹下宰平誰似玉茂陵常說泣秋風王
母惜傳雙鬢綠東方伏日思早歸長饑不及侏
儒腹積豕新烹白醪熟奮衣地坐無拘束驪山
夜寒坑底哭漫把漆書留冢竹

社日飲末叔家

雨未雨濛濛野田擊鼓賽社翁折條跨馬社翁
去醉叟卧倒梨葉紅黿頭主人邀客飲玉酒新
賜蓬萊宮彭宣不預後堂會康成一舉三百鍾
更邀明月出海底爛醉等是歸蒿蓬

八月十三日觀長星

長星彗雲出天狗欲墮鳴狗掃不見跡昭昭河
漢橫河漢秋轉淨箕斗垂光晶勸爾長星酒收
稔看太平

送李才元學士知邛州

太守車煌煌莫如還故鄉昔登蜀郡籍今得臨
邛章過家禮耆舊接境跪壺漿寒經道路遠春
入山川長俗將樂其化詔亦美其良相如有遺
跡誰復酒壚傍

弔仲源

世家吳季子皇籍漢諸孫嘒管行車失虛堂隱
几存枝摧從玉樹星隕自天垣寧復下貧賤停
驂來里門

送梁學士知襄州

騎吹荊州去喬林漢水前鄉亭逢故老牛酒問
高年翠巘臨關路黃柑逐賈船習家池館在賓
從與留連

送薛氏婦歸絳州

在家勗爾勤女功無不喜旣嫁訓爾恭恭已乃
遠耻我家本素風百事無有侈隨宜具奩箱不
陋復不鄙當須記母言夜寐仍夙起慎勿窺窻
戶慎勿輒笑毀妄非勿較競醜語勿辨理每順
舅姑心况逆舅姑耳爲婦若此能乃是儒家子
看爾十九年門閨未嘗履一朝陟太行悲傷黃
河水車徒望何處哭泣動隣里生女不如男天
親反由彼

送劉繼鄴秀才歸當塗

鷓鴣始出巢欲矜五色羽乃見郡鷓盤壤中將
有取梧桐與竹實安得在平土所趣固已殊而
何不遠舉幸失網羅目宜還蘭蕙圃故鄉有嘉
林其下可以處會侍朝陽鳴賀夔成律呂

送裴如晦宰吳江

吳江田有粳粳香春作雪吳江下有鱸鱸肥膾
堪切炊粳調橙糝飽食不爲餐月從洞庭來光
映寒湖凸長橋坐虹背衣濕霜未結四顧無纖
雲魚跳明鏡裂誰能與子同去若秋鷹掣

送撫州通判袁世弼寺丞

帆䟽䟽織綠蒲二十四幅輕江湖高秋逆水上
天去朝過瓜步暮濡湏長風沙頭問鯉魚大孤
山側鳴寒烏魚腹無書報家信憑烏爲到西山
區西山松栢應更好及取之官來拜掃

送石昌言舍人使匈奴

燕然山北大單于漢家皇帝與璽書持書大夫
腰金魚飛龍借馬出國都胡沙九月草已枯草
上霜花如五銖白裘貂帽著不暖莽莽黃塵車

欵欵野廬邊月出隴來風靜天遙鴈聲短聞到
剡庭尤苦寒譯言揉耳不譏彈公於是時已觀
禮踏雪再拜辭可汗

依韻和宋中道觀八月二十八日車駕

朝謁景靈宮

都人夾道望禁槐傍闔闔初來旭日光彫玉翠鞍
牽驥裹盤龍朱輦爛文章焚香闕殿開嚴帳汲
水寒溝洒廣莊一見天顏萬人喜却迴宮禁樂
聲長

度支蘇才翁挽詞三首 子美同葬

二十識君貌交游非一朝
魄光沉碧海志業隕青霄
洛客舊為社楚人今作招
素車京峴路應不似蕉堯

盛世雖多士唯公與衆殊
高才飛健鶻逸句吐明珠
未入周官采爭持楚璞模
莫悲泉骨朽青史見賢愚

自昔愛春物罇深眼底紅
日斜花在落身醉客西東
歎千年隔生悲百事空
君嘗知此理不

悞學陶公

重送袁世弼

臨川內史謝康樂具葉翻經有故臺春草生塘
猶夢句秋菜出水似君才馱雞肥脆聊供膳籩
酒甘濃可薦盃亦說右軍遺跡在墨池科斗喜
風雷

留題景德寺吉祥講僧

我講異爾講我書非爾書彼將希白馬此亦猶
大車皆行國都內轍不入委問世人日擾擾來

幕清涼居

閤門水

朝堂嘉祐元年九月九日宿齋歐陽永叔張叔之孫之翰命賦

宮井固非一獨傳甘與清釀成光祿酒調作太
官羹上舍銀餅貯齋廬玉茗烹相如方病渴空
聽轆轤聲

朝堂宿齋

玉屬陪祠日宮廬寓宿時鐘來建章遠月過羽
林遲寒入清綾被風牽翠鳳旗賈生誰復召安
問鬼神爲

送杜挺之郎中知虔州

大庾嶺邊無臘雪惟有梅花與明月月光如水
來向人太守得閑盃耳熱吹香入酒望梁宋正
是苦寒綿可折亦當念君君行南南方無冰地
不裂此身不到五侯門肥羔釀酒槐槽咽玉色
少年生頰春解笑吟腸冷如鐵衝風冒霰入廣
文老與諸生開反切重嗟君遠隔江湖雖得豐
甘牙已缺官娥執樂一千指脩頸慢肌衣錯纈
定逢賓客強排姪舞徹六么紅袖掣人競羨君

君愈疲夜歸坐閣思予說

送吳辯叔知鞏縣

言爲西邑宰本是洛陽人送驛往歸魏迎車來
入秦山川成鞏固陵廟壯威神好學河陽政栽
花作縣春

當世家觀畫

水蠶吐絲織織紈妙娥貌人聲玉輕邯鄲曲眉淺

臉鵝髮盤白角瑩薄垂肩冠銅青羅衫日月團
紅裙撮暈朝霞乾手中把筆書小字字以通情

形以觀形隨畫去能長好歲歲年年應不老相
逢熟識眼生春重伴忘憂作萱草

送韓簽判玉汝還南京

時賀太禮表

天子甘泉祀歡聲浹九圍綠童馳騎入朱服佩
魚歸賦雪上賓席買髮更舞衣清池無限鴈莫
道信音稀

北京大學圖書館
Beihai University Library

宛陵先生集卷第四十九

宛陵先生集目錄卷第五十

桃花源詩

永叔席上分題

永叔白兔

直宿廣文舍下

送中道倅廣平

送宋端明知成都

戲作嫦娥責

送李涇州二首

送景純使北

送馬司諫使北

重賦白兔

王祁公北園

觀盤車圖

寄許越州

永叔請賦車螯

寄題郢州白雪樓

和永叔荅原甫 平山堂留題

荅張子卿秀才 江學士寄酥梨

荅原甫寄糟薑 銅雀硯

歐陽諸公見過 示胡人下程圖

送李太保知儀州 劉元忠遺金橘

原叔宅觀山水圖 送廖倚歸衡山

目錄終

開化
carhu

宛陵先生集卷第五十

宋宛陵梅堯臣聖俞著

桃花源詩

并序

嘉祐元年予在京師邂逅與都官員外郎張侯
顥遇于書肆中張語往時相識於唐俞家今二
十三年矣因各言出處張曰實居武陵武陵舊
迹可具道始時陶潛爲記與詩其後徃徃賦詠
不絕君之仲父昔嘗有作聞君能詩多爲公卿
大夫諷誦願得一章夸咤遠土亦當買石刊置

崑下旣重其意許其錄幼時所爲五言歸閱故
藁則頗不愜心遂別爲一章以塞張侯之請

鹿爲馬龍爲虵鳳皇避羅麟避宜天下逃難不
知數入海居崑皆是家武陵源中深隱人共將
雞犬栽桃花花開記春不記歲金椎自劫博浪
沙亦殊商顏采芝草唯與少長親胡麻豈意異
時漁者入各各因問人間賒秦已非秦孰爲漢
奚論魏晉如割瓜英雄滅盡有石闕智惠屏去
無年華俗骨思歸一相送慎勿與世言雲霞出

洞沿溪夢寐覺物景都失同迴槎心寄草樹欲
復往山幽水亂尋無涯

末叔席上分韻送裴如晦

得黠字

霜華夜夜濃汴水日日減行邁唯恐遲離懷不
須黯遠輕吳江湖乃見丈夫膽君意應洗然吾
方困塵慙

末叔白兔

可笑嫦娥不了事走却玉兔來人間分寸不落
獵犬口滁州野叟獲以還霜毛茸茸目睛殷紅

條金練相繫擐馳獻舊守作異玩况乃已在蓬
萊山月中辛勤莫搗藥桂傍杵白今應閑我欲拔
毛爲白筆研朱寫詩破公顏

直宿廣文舍下

前夜宿廣文葉響竹打雪昨夜宿廣文窓影竹
照月賴此數竿竹與我爲煖熱上有寒鵲棲拳
足如瘦蕨平明欲飛去喑喑若告說我無喜可
報煩爾弄觜舌亦嘗苦老鷓鳴噪每切切爲學
本爲道窮感令素髮但能得酒飲終日自兀兀

送宋中道太博倅廣平

行役無冬春車馬無南北急若機上梭離別腸
自織其間走聲利晝夜不能息晚得二友生胸
蜺吐五色各思強祿仕安肯坐仰食一之毛遂
鄉一之太伯國豈無穎脫才可邁古風力明當
隔大河去路指斗極誰念平原君能於衆中識

裴如晦時亦宰吳江

送宋端明知成都

其兄相國新鎮河陽

伯仲俱邦棟朝廷倚以隆出爲周九牧入是漢

三公歲易星辰轉天均雨露同威聲滿河北事
業出山東賦壓臨邛馬文高益部雄英靈當自
伏教化已先通穀騎花川隘壺漿錦里空道途
來笮馬都邑貴郫筒刀夢殊祥後鋒車急占中
春江湏愛賞花鳳在梧桐

戲作嫦娥責

我昨旣賦白兔詩笑他嫦娥誠自癡正值十月
十五夜月開冰團上東籬畢星在傍如張羅固
謂走失應無疑不意嫦娥早覺怒使令烏鵲繞

樹枝啁噪言語誰可辨徘徊赴寢褰寒帷又將
清光射我腹但覺軫粟生枯皮乃夢女子下天
來五色雲擁端容儀雕瓊刻肪肌骨秀聲音柔
響揚雙眉以理責我我爲聽何擬玉兔爲凡卑
百獸皆有偶然白神靈獨冒由所推裴生亦有
如此作專意見責心未夷遂云裴生少年爾謹
弄溫軟在酒卮爾身屈強一片鐵安得妄許成
怪奇翰林主人亦不愛爾說爾猶自惜知不知
叩頭再謝沈已去起看月向西南垂

送李涇州審言

古章乘一障不過提千兵今握數萬衆獨自制
名城諸將俯聽命莫敢輒吐聲堂下選駿褭帳
中圖崢嶸山川在目中虜寇來必平誰人識謝
艾只是一書生

漢家舊日回中路天子新除太守行牙將握刀
趨遠驛羌人下馬拜高旌雲間白草開邊隴山
上朱樓壓郡城勇脫區區簿書內壯心應欲請

長纓

送刁景純學士使北

嘗聞朔北寒尤甚已見黃河可過車驛騎駸駸
持漢節邊風慘慘聽胡笳朝供酪粥冰生椀夜
卧氊廬月照沙侍女新傳教坊曲歸來偷賞上
林花

送馬仲途司諫使北

每逆龍鱗司諫諍又持旄節使陰山貂裘不見
風霜勁鴈磧遙知道路艱冰膾芥虀非楚味玉
茗蘭茁說燕顏單于不敢輕中國名馬新調爲

送還

重賦白兔

未叔云諸君所作皆以嫦娥月宮為說頗願吾兄以他意

別作一篇庶幾高出羣類然非老筆不可

毛氏穎出中山中衣白兔褐求文公文公嘗為

穎作傳使穎名字存無窮徧走五嶽都不逢乃

至瑯琊聞醉翁醉翁傳是昌黎之後身文章節

行一以同滁人喜其就籠繼遂與提携來自東

見公於鉅鼇之峰正草命令辭如虹筆禿願脫

冠以從赤身謝德歸蒿蓬

王祁公北園

園林多高榭園卉多芳柔紅紫經幾春青枯經
幾秋我至每懷浮觴之卿翁但見浮觴之水汨
汨流水流日夜曾未休高門世世生賢侯不比
平泉碑缺花木記又非家鷓鴣嘯鳳凰樓洛陽城
中亦有園與宅常同歐陽翰林携酒遊竹間池
館遺翠羽戶外楊柳繫紫騮今嗟齒似舊屐作
博士嘉趣只與心相仇強騎瘦馬往城北二十
三年如轉頭歸來作此辭且應主人求

觀楊之美盤車圖

谷口長松葉老瘦澗畔古樹身枯高土山慘愴
遠復遠坡路曲折盤車勞二車迴正轆接軫繼
下三車來嶮嶙過橋已有一乘歇解牛離軛童
可哂黃衫烏巾驅舉鞭經險就易將及前轂輪
傍側輻可數蹄角攙錯捲箱聯古絲昏晦三尺
絹盡此當是展子虔坐中識別有公子意思往
往疑魏賢子虔與賢皆妙筆觀玩磨滅窮歲年
塗丹抹青尚欺俗旱龍雨日猶賣錢是亦可以

秘疑亦不可捐爲君題卷尾願君世世傳

寄許越州

開元冠蓋裏無若賀知章乞得鏡湖水洗出明
月光行坐鏡與月身衣羽人裳心存黃庭經目
視白鳥行歲時忽已古高韻抗彭莊今聞許子
春來守稽山傍稽山風月在鏡水菰蒲長臘市
開梅萼霰雪凌早芳卧龍生茗舌鼓角催新陽
焙邊可以啜樹間可以觴賀老於當日必定無
此嘗唯有李白詩酒船芙蓉香安得効白也賸

載借舳舻與君同醉翁智慮收肝腸

末叔請賦車螯

素脣紫錦背漿味壓蚶菜海客穿海沙拾貯寒
潮退王都有美醞此物實當對相去三千里貴
力致以配翰林文章宗炙鮮尤所愛旋圻旋沽
飲酒船如落埭殊非北人宜肥羊噉齧塊

寄題郢州白雪樓

楚之襄王問於宋玉玉時對以郢中歌歌爲白
雪陽春曲始唱千人和再唱百人逐至此和者

纔數人乃知高調難隨俗後來感槩起危樓足
接浮雲聲出屋中古客應無怙悵鯤魚孟諸宿
樓傾復構春又春酒瀉瑠璃烹錦鱗青山繞欄
看不盡眼穿盪漿石城人去知何在寒花雨歛
自生嘖今聞太守新梁棟試選清喉可動塵

和末叔答劉原甫遊平山堂寄

黃土坡陁岡頂寺青煙羃歷浙西山半荒樵牧
舊城下一月陰晴連嶼間人指廢興都莫問眼
看今古總輸閑劉郎寄詠公酬處夜對金鑾步

輦還

平山堂留題

蜀岡莽蒼臨大邦雄雄太守駐旌幢相基樹楹
氣勢厖千山飛影橫過江峰橋俯仰如奔降雷
堂波小雞鵝雙陸羽井苔粘瓦缸煎鑪瀉鼎聲
淙淙兩牙鳥爪不易得碾雪恨無居士龐已見
宣城謝公陋吟看遠岫通高窓

答張子卿秀才

公武

茫茫九土中天網該時秀有鳳不收羅有麟不

獲狩賢豪為咨嗟都邑誦瓊琇而我當是時欲
見恨未遘忽過廣平居遇子乃邂逅懷中二新
篇幸出洗昏瞽一美韓公才雅圭也一語南方寇
鏗然青琅玕交戛風雨驟輒用告衆多亦未甚
便售固知至珍物不入市井貿昨朝驚扉鳴始
悟子來扣鉅編高貯襟細卷仍函袖麻衣踏屣
靴再拜謹以授因之重感愴世德實有舊文體
古為徒家聲喜能又其間贊愚辭愧累將恐詬
磨拂李杜光誠與日月闢退之心伏降安得此

孤陋豈能造春榮豈解易星宿
 一身猶寒饑生未飽藜豆高高河漢流
 肯下饋湔漱蟲魚儻無施捉撮不垂繆
 聊此慰窮愁文章終莫就庭前
 枯石榴寒雀並清晝逍遙獨詠歌
 寄翼與報酬

江隣幾學士寄酥梨

興平烹瓊乳咸陽摘冰枝秦女點山日
 張公開谷時刻破玉漿壺泛融金酒
 卮適從關中寄不見博士甲

答劉原甫寄糟薑

名國萬家城千畦等封侯劇當燕去前醃牙費
糟丘無筋偃王笑有味三問羞寄入翰林席聖
以不撤優又寄蓬門下作賦誰肯休唯我廣文
舍免爲羶鹽仇劉公漢家裔才學歆向儔胸懷
飽經史辨論出九州曾不奉權貴但與故人投
贈辛非贈甘此意當自求

銅雀硯

歌舞人已死臺殿棟已傾舊基生黑棘古瓦埋
深耕玉質先骨朽松棟爲埃輕築緊風雨剥堦

和鉛膏精不作鴛鴦飛乃有科斗情磨失沙礫
粗扣知金石聲初求畎畝下遂厠几席清入用
固爲貴論古莫與并端溪割紫雲空負世上名
韓著毛穎傳何獨稱陶泓儻以較歲年泓當視
如兄

歐陽永叔王原叔二翰林韓子華吳長

文二舍人同過弊廬值出不及見

十二月七日

枯竹爲門扉不可容車騎况如鄭廣文無氈藉
賓位窮冬月破七貴客聯玉轡傳騶肅里問下

榻呼童稚問我何所往共留墻上字兒愚不知
誰金章言照地旣屈卿大夫恨莫親帝等星躔
回已高麟趾寧復至戢戢隣巷居相見竊自喟
豈料瘦老翁能令賢達至昔時蓬蒿徑安有此
盛事

元忠示胡人下程圖

單于獵罷卧錦紅解鞍休騎荒磧中蒼駒騶駱
六十疋隱谷映坡分尾鬣九馳五牛羊頗倍沙
草晚牧生寒風貴賤小大指五百執作意態皆

不同二鷹在臂二鷹架駿犬當對寧爭功羶廬
鼎列帳幙擁鼓角未吹驚寒鴻土山高高置烽
燧毛囊貯獲閑刀弓水泉在側挹其上長河杳
杳流無窮素紈六幅筆何巧胡瓌畫妙誰能通
今日都城有別識別識共許劉元忠

送李大保知儀州

出塞開牙帳論兵啓玉鈐漢泉思白馬秦冢弔
蒙恬族本西山大聲從渭北兼相如常學劔文
士亦何嫌

劉元忠遺金橘

南方生美果且體橘包微韓彈有輕薄楚萍知
是非甘香奉華俎咀嚼破明璣欲換糞鹽腹盈
匱忽我歸

王原叔內翰宅觀山水圖

石蒼蒼連峭峰大山峩峩雲霧中老松瘦樹無
筆蹤巧奪造化何能窮古絹脆裂再粘續氣象
一似高高嵩上有荆浩字特歸翰林公願換廷
圭一丸墨誰言賣錢湏青銅范寬到老學未足

李成但得平遠工黃金白璧未為寶文人師臣
無不通

送廖倚歸衡山

倚來為其兄求集序於歐陽永叔

雌猿夜啼別湘東曉尋故人背孤桐孤桐有聲
彈不響弦絕曲在埋蒿蓬知音萬古期必逢今
日已聞天下雄陟山涉水不辭遠文章大名居
禁中扣門一見顏色喜抱琴三歎含微宮九疇
不汨微禹力堯舜豈無明與聰推根致本賢意
合叙述况值太史公買金得玉莫忘寶却過洞

庭乘朔風猿休啼
月月色好還來舊山伴
狙翁

開化圖書
Wahwa library

宛陵先生集卷第五十

中華圖書館
China Library

宛陵先生集目錄卷第五十一

還吳舍人詩卷

沈文通遺溫棋

史供奉羣鶴

和答達觀見寄

和端叟農具十三首

和蠶具十五首

上元登省東樓

自和

又和

和公儀戲勉

再和公儀龍圖

放鶉

莫登樓

莫飲酒

和永叔勸飲

和末叔肉翰

和公儀憶小鶴

和末叔思兔憶鶴

答末叔戲答

二月五日雪

和公儀小桃花

感李花

琴高魚和公儀

嘗茶和公儀

目錄終

宛陵先生集卷第五十一

宋宛陵梅堯臣聖俞著

還吳長文舍人詩卷

松液化茯苓又因爲琥珀遇物必得形毛髮曾
不隔君子亦豹變其文蔚可覲个者逢吳侯滿
腹貯經籍噴吐五色霓自堪垂典冊詩教始二
南皆著賢聖跡後世竟翦裁破碎隨刀尺我輩
強追倣畫龍成蜥蜴有唐文最盛韓伏甫與白
甫白無不包甄陶咸所索侯初守二郡山水多

助益升高觴嘉賓賦筆速鷹翮葺書成大軸許
我觀琮壁真物固易辨恨無百金易借從懷袖
歸誦玩廢朝夕譬如遊國都慙悅失阡陌苦唵
三十年所獲唯巾幘豈比夸受降甲齊熊耳積
重見元和風珠玉敵海舶自慙寒餓爲何張空
避席

和正月六日沈文通學士遺溫柑

禹書貢厥包未知黃柑美競傳洞庭熟又莫求
嘉比適觀隱侯詩獲此殊可喜誦句擘露囊香

其冷熨齒明朝鏤禮闈何暇醉隣里

史供奉羣鶴

出珥銀貂侍太清廻看雙鶴舞中庭翩翩曾是
僊人驥兩兩尚儀君子形靜夜欲還巖嶺月終
朝思嘒太湖萍莫將樹上雞相並會待歸飛向
杳冥

雪竇達觀禪師見寄依韻答

巖竇常留雪山雪不有心禪衣百衲重香刹四
明深馴鹿來啣果栽松去作林自綠冠紱累未

解遠公尋

和孫端叟寺丞農具十三首

田廬

結廬野田中其高足以覘坐卧劣自容巢棲未
嘗歛但能風雨蔽何惜茅蓬苦終當收穫畢寂
寞懸山店

颺扇

田扇非團扇每來場圃見因風吹糠粃編竹破
筠箭任從高下手不爲暄寒變去麤麤而得精持

之莫肯倦

樓種

農人力已勤要在布嘉種手持高斗柄
犁墾月下叱黃犢原邊過廢冢安知俠少年
玉食金羈擁

樵斧

適從伐枯桑莫悟刀已缺蠶工向欲迫
田事不可徹丁丁背谷聲役役持柯熱
積薪高於山焉用先後別

耒耜

古聖通物宜操斲資粒食稼穡盡民勤墾耕窮
地力推化本神農維時思后稷我老欲歸田茲
器已先識

錢鏹

詩稱庠錢鏹南畝興農作寧唯務芟薙豈不在
刈穫收功尚嘉穀託用隨芒屨太平茲所重坐
見銷鋒鏹

耨鋤

蕪穢或不治良苗安得長
薈來露未晞荷去月初
初上侵煙濕鵝頸近芟
翻蟻壤生具自有餘何
醉汗沾顙

襖襖

上襖與下襖青篲苦能織
曉披春雨來晚睨陽
披側蔽身常自足衝濕
曾爲得任從野風吹已
敵寒蓬色

臺笠

力田冒風雨緝籜爲臺笠
寒篲相與用陰野低

迷入足履固易濡鬢葆何嘗濕斯須未可去赫
日實乃急

水車

既如車輪轉又若川虹飲能移霖雨功自致禾
苗稔上傾成下流損少以益甚漢陰抱甕人此
理未可論

田漏

瓦罍貯谿流滴作耘田漏不爲陰晴惑用識早
暮候辛勤無侵星簡易在白晝同功以爲準一

決不可又

耘鼓

挂鼓大樹枝將以一耘耔逢逢遠遠近汨汨來
田里功旣由此興餉亦從此始固殊調猿猴欲
取兒童喜

牧笛

牧人樂下牧背騎吹短笛聲穿五雲低韻入楚
梅的誰嗟苦調急自與幽意寂應同堯時民歌
將土壤擊

和孫端叟蠶具十五首

繭館

漢儀后親蠶採桑來繭館雲母飾車上鉤籠載
車畔援條露已乾受葉日將晏爲言天下婦茲
事不可慢

織室

嘗聞漢皇后織室數來觀宮女豈不勤帝袞得
以完亦將成纁黃非用競龍鸞意在奉宗廟後
人其可安

桑原

原上種良桑桑下種茂麥雉雛麥秀時蠶眠葉
休摘空條漏日多餘樵更誰惜會待黃落來酒
壚燒斗石

高几

桑柔不倚梯摘桑賴高几每於得葉易曾靡憂
校披躋陞類拾級下上異緣蟻閑置草屋傍鳴
雞或棲止

科斧

科桑持野斧乳濕新磨刃繁枿一去除肥條更
豐潤魯葉大如掌吳蠶食若駿始時人謂戕利
倍今乃信

桑鉤

長鉤扳桑枝枝間挂桑籠南陌露氣寒東方日
光動少婦首且笄幼女角已鬢競以採桑歸曾
非事梳櫛

桑筥

采采向桑郊盈盈自持筥持鉤帶月往稚葉和

煙貯一心恐蠶饑搔首促儔侶到家傾嫩綠刀
几爲咬咀

蠶女

自從蠶蟻生日日憂蠶冷草室常自溫雲髻未
暇整但采原上桑不顧門前杏辛苦得絲多輸
官官莫省

蠶簇

冰蠶三眠休作繭當具簇漢北取蓬蒿江南籍
茅竹篙踈無鬱浥竹淨亦森束競畏風雨寒露

置未如屋

蠶槌

三月將掃蠶蠶妾具其器丘植先得

搗音

括辟

室亦塗墍衆材踈以成多薄所得寄終老歸簇
時應無慙弃置

蠶簿

河上緯蕭人女歸又織葦相與為蠶曲還殊作
筠篚入用此何多徃售獲能幾願豐天下衣不
歎貧服卉

繰盎

朝漬一盎繭繰就幾絢絲絲成繭已盡盎亦誰
復持道上有墮甌車傍有鴟夷二物且莫笑顧
藉各因時

紡車

蠶月必紡績絲車必挑擲燈下絡緯鳴林端河
漢白織縷自有緒虛輪運無跡腕手已爲勞誰
經用刀尺

龍梭

給給機上梭往反如度日一經復一絲成寸遂
成匹虛腹銳兩端素手投未出陶家挂壁間雷
雨龍飛出

織婦

織婦手不停心與日月速常憂里胥來不待雞
黍熟但言督縣官立要機斷軸誰知公侯家賜
帛堆滿屋

上元從主人登尚書省東樓

閭闔前臨萬歲山燭龍銜火夜珠還高樓迥出

星辰裏曲蓋遙瞻紫翠間
輾輾車聲碾明月參差蓮
焰競紅顏誰教言語如鸚
鵡便著金籠密鎖關

自和

沉水香焚金博山杜陵誰
復與車還馬尋綺陌知何
曲人在珠簾第幾間法部
樂聲長滿耳上樽醇味易
醄顏更貧更賤皆能樂十
二重門不上關

又和

康莊咫尺有千山欲問紫姑應已還人似嫦娥
來陌上燈如明月在雲間車頭小女雙垂髻簾
裏新粧一破顏却下玉梯雞已唱謾言齊客解
偷關

和公儀龍圖戲勉

五公雄筆廁其間媿似丘陵擬泰山豈意來嘲
飯顆句中唯此是偷閑

再和公儀龍圖

千重海浪漁人醉百戰沙場野叟閑豈向關中

還得靜乃知朝市即青山

放鶉

獸烹羊猪鳥烹鴨雞唯鶉不殺置奴而携公坐
堂上見而悲悽急令開笈還故棲其間無力飛
不齊公只知魚之洋洋鵝之鶉鶉噫兮噫兮

莫登樓

莫登樓脚力雖健勞雙眸下見紛紛馬與牛馬
衿鞍轡牛服輶露臺歌吹聲不休腰鼓百面紅
臂構先打六么後梁州棚簾夾道多天柔鮮衣

壯僕猗髭虬寶搗呵叱倚王侯夸妍鬪艷目已
偷天寒酒醺誰爾併倚檻心往形獨留有此光
景無能遊粉署深沉空翠幃青綾被冷風颼颼
懷抱既如此何須望樓頭

莫飲酒

莫飲酒酒豈饑顏回不飲不白頭千種稱帝堯
百觚號聖丘定國數石無滯留康成三百盃未
休阮藉作詩語更道聖賢在前誰與謀喉乾舌
強湏潤柔照見文字勝膏油

依韻和未叔勸飲酒莫吟詩雜言

我生無所嗜唯嗜酒與詩一日舍此心腸悲名
存貴大不輒思甌空釜冷不俛眉妻孥凍饑數
恚之但自吟醉與世違此外萬事皆莫知王公
謁請衆去早旣襄愈懶身到遲日高倦僕顏色
沮况騎瘦馬兩耳垂厭此勞苦不喜出唯
有文字時能爲諸公尚恐竭智慮勤勤勸飲莫我卑
再拜受公言竊意公矯時只愛詩謂余癡

和未叔內翰

來時擘璽正探官走馬傳宣夾路看便鑠青春
辭上閣徒知白日近長安思歸有夢同誰說強
意題詩只自寬猶喜共量天下士亦勝東野亦
勝韓

和公儀龍圖憶小鶴

聞憶華亭雙鶴鷁蒼毛未變頂微朱閑情且與
稻梁飽寄語休將雞鶩驅丁令再歸移歲月王
裊端爲約僮奴主人必欲看雙舞太液池寬肯
放無

和未叔內翰思白兔答憶鶴雜言

醉翁在東堂爲他栽桂樹待將枝條與人折憶
著家中玉色兔夜看明月海上來光彩離離入
庭戶且問嫦娥一借觀翁家雖有來無路嫦娥
對面幾萬里不勝漸漸西南去是時翁生懷抱
惡却恨陸機先憶鶴致令亦念眼迷離不似傍
池能飲啄始憂兔饑僮失哺又恐白毛塵土汙
仍不如鶴有淺泉自在引吭時刷羽花前舉翅
鼓春風只待翁歸向朝暮我聞二公趣向殊一

養月中物一養華亭雞一畏奔海窟一畏巢松
株我雖老矣無物感欲去東家看舞姝

和求叔內翰戲答

從他舞姝笑我老笑終是喜不是惡固勝兔子
固勝鶴四蹄撲握長啄啄任看色與月光濕只
欲走飛情意薄拘之以籠縻以索必不似纖腰
夸焯約主人旣賢豪能使賓客樂便歸膏面染
髭鬚從今宴會應頻數

二月五日雪

二月狂風雪寒威曉更加省闈輕妬粉花樹暗
添花有夢皆蝴蝶逢袍只貯麻凍吟誰料我相
與賭流霞

聞未叔謂子華曰明日聖
俞若無書脩輪一盃酒

和公儀龍圖小桃花

三分春色一分休始見桃花着樹頭霰雪斗來
如約勒爲公留作上林遊

感李花

二月九日

重門雖鎖春風入先圻桃花後李花赤白闌妍
思舊曲舊聲傳在五王家五王不見留華萼華

松言
卷三十一
三
二百五十一
萼壞來碑缺落當時李白欲騎鯨醉向江南曾
不錯

琴高魚和公儀

大魚人騎上天去留得小鱗來按觴吾物吾鄉
不須念大官常膳有肥羊

嘗茶和公儀

都藍攜具向都堂碾破雲團北焙香湯嫩水輕
花不散口甘神爽味偏長莫夸李白僊人掌且
作盧仝走筆章亦欲清風生兩腋從教吹去月

輪傍

開化圖書館
warhna library

宛陵先生集卷第五十一

中華圖書館
Zhonghua Library

開化圖書館

Kaichua library

開化圖書館

Kaichua library

真



開化圖書館

kaikwa library

開化圖書館

kaikwa library



Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Inches Centimetres


宛陵先生集
+

開化圖書館
Kaihua Library



開化圖書

Kaishua Library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color